

XIII (13). Ibi optimus semper, ubi optimorum 32
doliolis florum conditur, [Atticae regionis] hoc est
[Siculae] Hymetto et Hybla [locis], mox Calydna
insula. Est autem initio mel ut aqua dilutum,
et primis diebus feruet ut musta seque purgat;
uicensimo die crassescit, mox obducitur tenui mem-
brana, quae feruoris ipsius spuma concrescit. Sorbe-
tur optimum et minime fronde infectum e quercus,
tiliae, harundinum foliis.

XIV (14). Summa quidem bonitatis natione cons- 33
tat, ut supra diximus, pluribus modis. Aliubi enim
faui cera spectabiles gignuntur, ut in Sicilia, Paeli-
gnis, aliubi copia mellis, ut in Creta, Cypro, Africa,
aliubi magnitudine, ut in septentrionalibus, uiso
iam in Germania octo pedum longitudinis fauo in
caua parte nigro. In quocumque tamen tractu terma 34
sunt genera mellis. Vernum ex floribus constructo
fauo, quod ideo uocatur anthinum. Hoc quidam
attungi uetant, ut largo alimento ualida exeat suboles.
Alii ex nullo minus apibus relinquunt, quoniam
magna sequatur ubertas magnorum siderum exortu,
praeterea solstitio, cum thymum et uua florere inci-
piunt, praecipua cellarum materia. Est autem in 35
eximendis fauis necessaria dispensatio, quoniam